

烈皇小識

明季稗史彙編



烈皇小識卷之八

國朝書目

赤緯圖
書論藏

天懷尚
民圖

十四年八月十九日

聖駕視學釋奠禮成蒞至東

西廡徧閱諸先儒神位因召禮部左侍郎王錫

衮石侍郎蔣德璟祭酒南居仁三臣諭曰宋儒

周程張朱邵六子有功聖門最大今稱以先儒

位在漢唐諸儒下禮殊未稱爾部會同詹翰等

官議所以尊崇之至於六子格言卽督令儒臣

大編纂成書以弘聖教三臣承旨卽于九月題請

開館編纂六子諸書而尊崇位號時廷議不一

烈皇小識

卷八

不果行

大學士周延儒罷延儒林居時長興周仲璉特往

通譜叙叔姪禮事之惟謹延儒之再召也秀水

吳昌時爲之效奔走延儒入都仲璉官兵部員

外昌時官禮部郎中共入其幕下每朝夕輒便

衣直達臥室與侍者交通探聽閣中消息隨在

外招搖市權昌時醉心吏部誠得一日稱吏部

郎卽死無恨宜興亦擬借此塞其望而遠之遂

以郎中調文選司破格極矣往時科道年例在

二八兩月科一人道二人間或吏部一人此舊例也昌時爲政例推給事中范士髦等四人御史陳盡等六人科道羣起大譁吏科都給事吳麟徵河南掌道御史祁彪佳率兩衙門集于公所與時昌面議及是日科道齊集援集例相責昌時怙過絕無引咎意御史某不勝其憤提所坐板搏之昌時倉皇而出且曰若奚爲待我如此我當盡例出諸御史諸御史聞之咸怒髮上

指與時昌有不兩立之勢矣又宜興自恃聖眷

列皇小識

卷八

二

視同官蔑如也并研輩皆有愠心緹帥駱養性有陰事宜興刺得之以挾制駱使爲已用徃來傳遞者昌時也養時有原饒宜興不受昌時竟隱匿焉養性以此飲恨刺骨內奄王之心頗不樂宜興會向宜興云我們才力有限還求老先生包容間者危之而宜興不以介意 入犯宜興督師逐之總督范志完宜興辛未所取士其人大言不慙無纖毫實用宜興以一切軍情委之宜興之出督師也上注望甚殷刻刻遣人

偵伺而宜興駐通川每日幕客攢集午後始開
門收文書應故事所謂躬歷戎行鼓舞將士者
未之能也其出口各踣援師尾之而行不敢
邀擊厚賄宜興以求叙功宜興諾之襄城伯李
國禎與王奄俱有私人欲入叙功疏中宜興不
從乃比而揭其短入告謂已驕邀而擊之

可隻輪不返宜興私通

禁諸將不得一矢

相加遺坐是安然出口上信以爲然適給事中

吳甘來御史王章疏參本兵張國維而德州兵

烈皇小識

卷八

三

備雷演祚亦疏參范志完皆與宜興有連奉旨
周延儒着府部九卿科道議處閣臣各詞申救
得旨內外多艱用人罔效悞國害民皆朕不德
所致周延儒着致仕去

特旨修撰魏藻德陞禮部左侍郎兼東閣大學士
藻德辭陳演請改少詹事辦辦事仍照三品用
轎上從之此與劉之綸同一破格然之綸以戎
事超授雖未成功猶歿於陣與藻德天淵矣

八月會試天下士陳命大學士陳演魏藻德爲試

官取中陳名夏等三百五十人時以邊警大計改五月會試改八月閣臣循序應以蔣德璟爲副時上究心天象凡日月見食及星宿纏犯取中國歷驗之不甚應以西歷驗之輒應遂加西人湯若望尙寶司卿專理歷法先是召對德璟奏及之曰湯若望有何好處皇上如此優禮上曰古帝皇招徠遠人湯若望遠夷慕化朕故優待之有如卿言建 屢次內犯震驚宗廟卿何不撞之使去及是遂抑德璟而用藻德而棘闡

烈皇小識

卷八

四

之役亦止于此藻德離孝廉未三年驟典文場說者謂文脈亦促甚矣

兵部尙書張國維罷逮總督范志完順天巡撫潘永圖下獄時給事中吳甘來疏論國維昔任撫江南惟以巧言令色爲務有浪子中丞之稱及任本兵寸籌莫展惟首輔意旨是徇打恭作揖便成職業云云上頗知國維罪狀擬加重譴國維捐厚資乞援于內奄乃得旨閑住德州兵備雷演祚疏論志完在山東縱兵濫掠及金銀鞍

數千兩馬百匹行賄京師等事有旨志完革職
逮問永圖以失機亦奉旨革職逮問

范志完伏誅上特召雷演祚入朝與志完面質于
中左問疏內所奏事欵歷歷有據上又問演祚
曰爾所言稱公頌德徧于班聯者誰也演祚對
周延儒招權納賄如起廢清獄租皆自居爲功
考選科道盡收門下凡求總兵巡撫者必先通
賄幕客董廷獻然後得之上卽命逮廷獻上問
志完金鞍馬匹招稱送右諭德方拱乾上併召
烈皇小識

卷八

五

拱乾拱乾力辯云臣以詞林冷局無票擬招駁
之責且甫入都安有此事上卽比拱乾去志完
俱被逮知上方注意封疆決無生理滿載淄重
望門投送而不得要領卒置于法永圖亦坐封
疆失事律決不待時

逮大學士周延儒于家吏部尙書鄭三俊罷先是
御史祁彪佳賀登選各疏參吳昌時素制弄權
給事中郝綱疏劾吳昌時周仲璉竊權附勢納
賄行私內閣票擬機密每事先知總之延儒天

下之罪人昌時仲璉又延儒之罪人至是御史
蔣拱宸疏論昌時入延儒之幕與董廷獻表裏
爲奸無所不至贓証纍纍萬目共見卽如南場
一榜非其親戚卽以賄賂皆昌時爲之過付伊
弟肖儒伊子奕封公然中式毫無顧忌以至白
丁銅臭汪庶陳咨稷等皆夤緣登榜其貪橫如
此尙知有朝廷法紀哉末又指通內一事時緹
帥賂養性細刺昌時與延儒通賄諸款具事件
上聞諸奄亦盡發延儒蒙蔽狀復遣緹騎逮延

儒對勘而三俊以舉用昌時引罪回籍延儒就
逮將所居樓閣三楹盡行焚燬蓋生平寶藏咸
集於此紫貂帳以十計清河參有一隻重十兩
者金珠非最上乘不能登此樓焚時火焰皆作
五色云

蔣拱宸疏參宜興及吳昌時內有通內一事爲上
所最忌七月二十五日召府部九卿科道廷鞫
上角素率太子與定王同訊呼昌時前詰其通
內上聲色俱厲昌時辨祖宗之制交結內侍者

斬法極森嚴臣不才安能犯此上呼蔣拱宸
面質拱宸戰栗匍伏不能措一語上愈怒叱退
拱宸然上意已有成局不待拱宸之對質也昌
時始終不爲屈曰皇上必欲以是坐臣臣何敢
抗違聖意自應承受若欲屈招則實不能上卽
命內侍用刑閣臣蔣德璟魏藻德出班奏曰殿
陛之間無用刑之例伏乞將昌時付法司究問
上曰此輩奸黨神通徹天若離此三尺地誰敢
據法從公勘問者二閣臣奏殿陛用刑實三百

列皇小識

卷八

七

年未有之事上曰吳昌時這廝亦三百年未有
之人二閣臣口塞叩頭而退內侍遂進用夾兩
脛皆絕昏迷不省人事乃命下錦衣衛獄昌時
已不能行衛役負之以出進見衛帥駱養性曰
請受刑養性曰汝甫受刑尙不省人事且俟後
審越數日衛審一如廷鞫語不稍屈乃刑其兩
家人亦終無所招後有旨送法司咸謂有生機
矣不數月而斬決之旨下先是韓城之逮也昌
時本無所置力而掠之居以爲功王陞彥臨刑

恚恨曰吳昌時殺我也旁人皆爲咋舌而昌時更揚揚自得也及時奉旨吳昌時着卽會官斬決與王陞彥之旨同人以爲有天道焉其實不盡然也

逮張國維下獄時追論其中樞悞國之罪故部擬贖徒有旨張國維中樞溺職一徒豈足蔽辜還着再擬具奏

九月廷對策士賜楊廷鑑陳名夏宋之繩進士及第有差

烈皇小識

卷八

八

上點禮部尙書李建泰左副都御史方岳貢俱以原官兼東閣大學士入閣辦事岳貢守松江十五年以錢糧拖欠停俸督徵故久稽不遷今春入覲有以岳貢操守廉潔薦者上特授左副都御史適吏部某以某事奉旨詰責尙書李遇知曰臣正行糾駁岳貢云何不卽行題參一語深當聖意遂同建泰入閣從來閣臣無帶都御史銜者亦變例也

給事中時敏劾推金華太守敏求援于岳貢岳貢

令急進一條陳疏遂具一套疏忽奉嚴旨下部
議處衆相訝不解所謂及例推本上岳貢票旨
時敏方在議處何得遽行陞擢員缺另推議本
上奉旨時敏着降三級照舊管事儼然夕郎矣
周延儒賜死宜興逮至旅邸候命所挽回者不遺
餘力欣欣向榮之念及是夜半而勒令自盡之
旨下宜興從襍被扶起聽旨旨內先歷數其罪
至姑念句內奄止不卽讀宜興意有非望稽首
稱聖恩者再四奄候其稽首畢始宣着勒令自

烈皇小識

卷八

九

盡宜興悸魄喪魂左右不能自持縶屋而走妄
思竄逸緹帥令二緹騎執持之延至四鼓緹帥
乃勉強從事又宜興素服參附氣斷矣四肢猶
暖潤如生緹帥懼有他虞急以釘釘入腦門始
敢復命較之韓城爲尤慘云先是上與閣臣語
及宜興曰朕恨其大使乖晉江以告宜興曰事
如此英主不使乖不得也周仲璉費四萬金乃
免於難

上特起沈自彰爲文選郎中改四川布政張法孔

爲職方郎中加泰僕卿銜皆以其有廉名也
上禁諸臣服飾袖長不得過一尺宮中盡撤金銀
等器俱用陶器並諭誠諸臣不得擅用金銀說
者謂黃鍾大呂清廟明堂之器文質彬彬斯爲
美矣僊極則鬼君子病之今以玉食萬方之主
而降爲汗尊杯飲之事是貉道也何以能久

北兵退後京城瘟疫甚行朝病夕逝有全家數十
口一夕併命人咸惴惴謀其不免上時令張眞

人建醮祈安而終無驗日中鬼出爲市店家至

烈皇小識

卷八

十

有收紙錢者乃各置水一盂於門市者令投銀
錢于水以驗眞僞民間終夜擊銅鐵器聲以驅
厲崇聲達九重上不能禁景色蕭條早知有黍
離之歎矣

宮中有 庫累朝不開上至是忽欲開闔璫以從
來未開爲言而上意甚堅璫不敢逆開進空無
所有止後架貯小紅箱一隻捧至預書崇禎某
年某月某日開上以其預定也益異之及啓視
止盛畫三軸其一則無數軍民相背而立上曰

此殆言軍民背反耶其二則無數官吏士民俱若倉皇逃竄之狀上曰嘻亂離不遠矣其三則止有一人被髮赤體其貌則儼然御容也羣瑄相顧動容上撫然不樂而出

是年正月李賊圍承天知府某開門迎賊巡撫朱一鶴鍾祥知縣蕭漢皆死之巡按李振聲迎降與賊通譜欽天監博士楊永裕亦降請發顯陵忽大聲起山谷若雷震賊懼而止賊至黃陂知縣某挈印走賊設偽官士民殺偽官賊怒反兵

烈皇小識

卷八

十一

屠之遂陷德安黃州守將王允成棄城東下方國安諸賊退屯漢口左良玉亦東下

江陵舉人陳萬策李開先爲賊侍郎喻上猷所開薦賊檄下萬策自縊開先觸牆死

獻賊襲陷蘄州屠之兵備許文岐狗難復蘄水亦屠之

二月湖廣土賊陷澧州又陷武岡川岷王遇害隨合于闖闖賊令老回回守承天羅汝才守襄陽而自攻邳縣知縣李貞率士民堅守殺賊甚衆

力竭乃陷李貞罵賊不已賊怒褫其衣冠倒懸于地貞大呼曰高皇帝有靈我必愬之願爲厲鬼以殺賊賊愈怒斷其舌剮之母喬氏及妻俱死賊還屯荊州

五月李賊攻常德巡撫陳睿謨逃城遂陷嗣是辰岳相繼俱陷獻賊自蘄水一夕馳至黃州乘大霧攻城城遂陷原任副使樊爲城罵賊賊刺之洞胸死麻城周文江降賊署爲僞知府

闖賊襲殺革里眼左金王弁其衆時羣賊俱奉闖

列皇小識

卷八

十一

賊約束惟革里眼不相下闖賊置酒宴左革殺之席上革里眼卽賀一龍也

四月闖賊突入羅汝才營卽其帳中斬之并殺其謀主袁珪

五月闖賊攻袁時中殺之時中初合于闖闖許配以女至是時中通款于河南巡按蘇京又擒闖賊零騎請攻故而殺之

五月獻賊逼武昌時議募兵守城而庫藏空虛三司長詣楚王請貸數十萬王不應募兵皆謂宜

宜募士著道承德潰兵東下楚王盡招之號爲
楚府兵及獻賊陷漢陽臨江欲渡武昌大震議
撤江上兵嬰城而守都指揮崔文榮曰磨盤煤
炭諸洲淺不過馬腹縱之飛渡而嬰城坐困非
策也議者不從賊果從煤炭洲南渡直逼城下
攻武勝門文榮率軍禦之多殺傷而楚府新募
兵開門迎戰文榮躍持矛大呼殺賊三人賊攢
刺之死舊輔賀逢聖合家投整子河死長史徐
學顏與賊格門左臂斷右臂持刀撲之賊鬪之

烈皇小識

卷八

三

游擊朱士鼎爲賊所執戟手大罵賊去其左右
手自沉于江死賊執楚王盡取宮中藏金輦數
百車不盡楚人于是憾王之愚也賊沉王于江
屠戮士民數十萬沿江積尸千里其幸存民或
別手足或鑿目鼻無一全形者

闖賊陷保康知縣石維壇死之別賊至禹州守將

楊芬張廟降

七月總督孫傳庭發兵潼關以總兵牛成虎盧光
祖爲先鋒會河南總兵卜從善陳永福合兵繼

陽之下池寨檄左良王赴汝軍夾擊令副總兵高傑將降丁爲中軍總兵王定官撫民率榆寧二鎮兵爲後勁

總兵方國安合副將徐懋德馬士秀等由蘄州進發夜擊賊於大冶斬首于級前鋒旣勝左鎮諸軍並進獻賊令賊將守武昌爲浮橋於金口悉衆西渡向岳州

八月孫傳庭師次閩鄉闖賊亦進盡發荆襄諸賊會于河南牛成虎前驅遇賊于雒陽擊敗之再

烈皇小識

卷八

古

擊于河岸又敗之追走至汝州成虎以孤軍無繼退屯澠池

丙寅方國安等復黃州斬僞官癸酉諸將進次楊邏堡距武昌三舍監紀推官吳敏師聯絡蘄黃義勇萬人與師會總兵常安國以舟師先進轉戰金沙洲奪賊百艘丙子諸將齊至武昌獻賊出戰大敗遂西走陷咸寧蒲圻距岳州百里湖南巡撫李乾德總兵孔希貴盡移居民遠徙而伏兵於內開門迎賊賊入伏兵盡發盡殲之留

四賊各割一耳貫箭縱回獻賊怒益來攻乾德
虛立營壘下伏大砲而積薪其上賊以火攻之
大砲發殺賊數千賊愈怒悉衆圍岳州百道並
攻遂陷乾德希貴走長沙戊寅賊至湘陰城已
一空獻賊登舟南渡忽大風起覆舟溺死賊數
千復還岳州盡殺所掠婦女焚其舟陸行抵長
沙士民空城走乾德奉吉王惠王走衡州守將
尹先民迎降推官蔡道憲不屈殺之健卒林後
等解衣裹尸葬道憲于南郊俱自縊

烈皇小識

卷八

五

九月孫傳庭次汝州偽都尉四天王李養純率所
部來降知賊在寶豐傳庭進圍寶豐賊堅守不
下闖賊以輕兵來援白廣恩高傑盧光祖逆戰
于城東敗之次日復以精騎數千直攻官軍諸
復擊走之傳庭曰寶豐不急下而賊救大至賊
腹背受敵矣親督諸軍悉力攻城拔之斬偽官
陳可新等千餘人遂以大兵搗唐縣時賊家口
盡在唐縣官兵入城盡殺之甲辰傳庭復郟縣
縣甚窮官軍乏食闖將將精騎萬餘逆戰官軍

擊斷闖賊坐纛三戰三勝闖將奔襄城官軍進逼之時河南所在饑荒官軍深潰糧不繼壬子兵噪于汝州降盜李際遇陰通賊癸丑賊率精騎大至傳庭問計于諸將高傑請戰白廣恩曰師老矣宜分據要害步步爲營以圖萬金傳廷恐賊遁曰將軍何怯也獨不如高將軍耶廣恩不憚引所部八千人南走賊設伏以待官軍官軍接戰陷賊伏中大敗高傑乘嶺上望之曰不可支矣麾衆急退官軍大奔賊驅大隊來追至

烈皇小識

卷八

十六

孟津是役也士卒死者四萬餘人盡喪其軍資甲仗傳廷與傑走河北戊午闖賊向潼關白廣恩擊走之傳庭亦回軍潼關衆尙有四萬人

獻賊龔陷衡州桂王及吉惠二王走永州獻賊復追之湖南巡撫劉熙祚遣兵護三王入廣西而自入永州拒守好人內應熙祚不屈遇害戊戌官軍復岳州盡誅僞官獻賊東犯江西萍鄉

十月辛酉朔副總兵沈萬登復汝寧是日賊將軍馬司尙志蒞任萬登擁衆突入誅尙志并殺諸

偽官時襄維豪傑竝起萬登與毛顯文劉洪起
皆起布衣聚眾數萬各保塞以逐賊闖賊偽受
萬登威武大將軍不受鳳督馬士英承制授爲
副總兵

闖賊遣第一隻虎陷闖鄉遂攻潼關闖賊問道緣
山崖出潼關後官軍大驚遂潰賊盡入關掠傳
庭白廣恩退屯渭南賊合眾十餘萬陷渭南傳
庭陣亡知縣楊暄死之隨陷南州商雒道黃世
清死之直抵西安巡撫馮師孔督兵出戰被執

烈皇小識

卷八

七

不屈死西安陷按察使黃綱自盡長安知縣吳
從義指揮崔爾達秦府長史章世炯俱投井死
鄉紳右都御史焦源溥御史王道純禮部主事
南居益都司使邱從周俱罵賊死宣府巡撫焦
源清山西參政田時震俱不受偽職死磁州兵
備祝萬齡自經學宮山東僉事王徵七日不食
死舉人席增光朱誼泉俱投井死而左布政陸
之禎總兵白廣恩俱降闖賊據秦王府授秦王
偽將軍世子如劉氏曰國破家亡願一死闖賊

遣歸母家秦王富甲天下盡爲賊有賊分兵狗
諸縣蒲城知縣朱一統抱印投井死中部知縣
華堞與一妻一妾俱自縊賊改西安爲長安府
榜掠巨室助餉

按令爲宋新羅乃晉宗不知諸
本何以皆作華堞華堞爲楚宗

時爲宣諭楚豫江北一帶義勇使
非令也人習知其名而舉書之耳

獻賊陷袁州令賊將邱仰震居守左良玉遣兵攻
袁州參將高山奮身先登斬賊數百級擒斬工
仰震遂復袁州

獻賊至長沙突至吉安官軍驚潰兵備岳虞蠻逃

烈皇小識

卷八

六

城復陷賊復入袁州

十一月闖賊命賊將田斌守西兵而自往延安大
會羣賊分五百騎按行鳳翔守將誘而殺之闖
賊怒親攻鳳翔陷之屠其城遂逼榆林兵備都
任及原任總兵尤世威王世顯候世祿惠顯候
拱極等歛各堡精銳入鎮城歆盟誓神推世威
爲主協力拒守賊誘說三日不聽賊四面環攻
城上強弩登射賊死尸山積賊攻益力逾旬日
不克賊以衝車環城穴之城崩數十丈賊乘勢

擁入城遂陷都任各家自縊死尤世威縱火焚
其家百口揮刀突戰死諸將各率所部巷戰殺
數千賊至死無一降者合城婦女俱自盡無一
受辱者賊攻寧夏總兵官撫民迎降賊攻慶陽
堅守四日力屈城陷守巡二道段復興董琬鄉
鄉神太常少鄉麻禧俱死之賊屠慶陽執韓王
獻賊知官兵陷岳州沿江設伏而令賊千人以巨
艦載輜重順流下副將王世泰楊文富邀擊之
賊佯走以誘官軍官軍溯流爭上盡奪輜重賊

烈皇小識

卷八

五

伏發四面夾攻官軍大潰賊復入岳州左良玉
令馬士英趨長沙馬進忠等趨袁州士秀等復
臨湘進逼岳州賊將混天龍統萬人乘輕舟迎
戰士秀三分其軍繞賊舟後反擊之賊大敗趨
入城士秀麾諸軍登岸急攻之賊突門出走長
沙遂復岳州馬進忠等進薄袁州賊西走遂復
袁州盡誅諸僞官總督呂大器亦統兵復吉安
殺太監劉元斌元斌監軍討賊賊在陝維元斌留
歸德不敢進縱兵大掠殺樵汲者冒功及論辟

未得旨卽奏辯上怒誅之

十二月闖賊狗西北莊浪涼州二衛俱降遂圍甘
州乘夜雪登城巡撫林日瑞總兵郭天吉同知
藍臺等皆死之殺軍民四萬七千餘人餘處俱
投降惟西軍衛固守不下

十七年甲申正月庚寅朔大風震屋揚沙咫尺不
見占曰風從乾起主暴兵至城破癸丑夜星入
月中占曰星入月中國破君亡時闖賊僭偽位
于西安僞號大順僞元永昌宋獻策僞軍師牛

列皇才識

卷八

三

金星僞丞相設僞六政府僞吏政宋企如僞戶
政楊建烈僞禮政鞏煇僞兵政喻上猷僞刑政
陸之祺僞工政李振聲皆明臣降賊者

上因寇氛孔棘臨朝向閣臣歎曰賊勢如此闕外
無人承認府庫殫竭將如之何李建泰奏主憂
如此臣敢不竭駑力臣家曲沃願以家財佐軍
臣請提兵上大喜慰勞再四曰鄉若行朕當訪
古推轂禮親餞鄉郊外不敢輕也建泰退卽具
揭題用衛貞固凌駟又題郭中傑加副總兵衛

管中軍事又請馬兵五百及旗牌等項遂于二十
十六日啟行上預傳至期行遣將禮朕御正陽
樓宴餞督輔并召內閣五府部院掌印官侍坐
鴻臚贊禮御史糾儀大漢侍衛應用法駕宴桌
該衙門預備上又命查大明集禮中遣將授鉞
告廟禮看議酌行是日乙卯上御正陽門樓親
餞之曰先生此行如朕親征建泰受餞叩首謝
恩既去上目送久之返駕復大風沙占曰不利

行師

烈皇小識

卷八

三

二月闖賊統衆四十萬從禹門渡黃河陷絳州曲
沃臨晉河津破蒲州舊輔韓爌死之破平陽知
府張麟然迎降巡道李士焜逃總兵高傑退至
澤州沿途大掠賊遂薄太原時初六日也巡撫
蔡懋德遣標下驍將牛勇朱孔訓出戰孔訓傷
砲死牛勇墮亡一軍皆沒城中奪氣懋德知事
不可支寫遺表令賈士章走京師上聞中軍盛
應時先殺其妻子誓將死敵初八日風沙蔽天
賊夜乘風乘登城懋德應時赴門死布政趙某

副使毛某及府縣鄉紳等官共四十六員皆死
之晉王遇害
上傅工部尙書范景文禮部侍郎丘瑜俱以原官
兼銜入閣辦事

上御書親勅督輔朕仰承天命繼祖宏圖自戊辰
至今甲申十有七年矣兵荒連歲民罹于戈流
毒直省今卿代朕親征鼓厲忠勇選拔雄傑其
驕怯逗玩之將貪酷倡逃之吏當以上方劍從
事行間一切調賞罰俱不中制卿宜臨事而懼

烈皇小識

卷八

三

好謀而成真勦真撫蚤蕩妖氛旋師奏凱勒名
鐘鼎頒代朕至意徧行示諭

建泰甫出都司次涿州營兵逃歸者三千人過東
光兵不戢士民閉城拒守建泰怒留攻三日破
之至廣 紳衿城守不納亦留攻三日破之殺
紳王佐等及知縣張宏基

闖賊至忻州官民迎降進攻代州總兵周遇吉固
守連戰十餘日殺賊萬餘賊悉衆來攻遇吉退
守寧武關賊逼寧武遇吉連發大砲殺賊近萬

人會火藥盡有請款者遇吉白三日內殺賊且萬若輩何法耶能勝之一軍盡爲忠義若不支縛我以獻于是開門奮擊殺賊數千人賊懼欲退或爲賊謀請分爲十隊更番迭戰且去帽爲識有帽者輒殺之賊乃引兵復進去帽以自別官軍不能支城陷遇吉縱火焚其家而自揮短刀力鬪身中流矢牙牙兵俱盡遂見執罵賊甚厲賊怒縛于市磔之屠寧武太常寺少卿吳麟徵請棄關外寧遠前屯二衛地徙總兵吳三桂入

烈皇小識

卷八

三

關屯兵近郊以衛京師廷皆以失地非策莫敢主其議

上諭吳昌時着卽會官斬決其財產并罪輔周延儒貯產籍沒充餉上又諭周延儒見賄忘法本當全沒家產今量追十二萬着周尙儒周奕封完納吳昌時量追五萬俱免籍沒

上命太監閻國輔等賞餉往蘇寧等處給軍時始

聞山西全陷

上分遣太監監制各鎮盧維寧往通津臨德方正

化徃真保杜勛徃宣府王夢弼徃大名廣平閻
思印徃順德彰德李文炳徃衛輝懷慶楊茂林
徃大同李宗化張澤民徃蘇鎮中西二協

翰林學士
上特陞兵部都給事張晉彥爲兵部尙書又令兼

闖賊至大同軍民皆降總兵朱三樂自刎巡撫衛
景瑗兵備朱家仕糧儲徐有聲皆死之庠生李
若葵合家九人俱自縊先題曰一門完節代王
遇害賊殺代府宗室殆盡

烈皇小識

卷八

番

上召忻城伯趙之龍撫寧侯朱國弼中左門面對
乃命國弼總漕淮安之龍掌南京中軍都督府
印管守備事

闖賊陷真定先是知府丘茂華聞城警預定令家
眷出城巡撫徐標下茂華于獄標中某某伺標
登城指畫守禦時乘不意掖而投之城外殺之
從獄中擁茂華出茂華遂檄所屬州縣預備迎
賊數日後賊始以百騎來受降時二十二日也
二十三日召諸臣面對先是左都御史李邦華

密疏請擇大臣奉太子南行臣等輔皇上固守
聖意頗以爲然大學士陳演微洩之是日召對
庶子項煜面具小疏極言當南巡者八上曰國
君死社稷正也朕死決矣大學士范景文同邦
華擬申前請給事光時亨大聲曰奉太子往江
南諸臣意欲何爲將欲爲唐肅宗靈武故事乎
二臣乃不敢言已而上命魏藻德陞兵部尙書
督師津德方岳貢陞戶部尙書督漕臨濟意擬
從范李二臣之請矣旣而復撤前命或云時傳
烈皇小識

卷八

五

闖賊已南下故止之

三月大學士陳演蔣德璟罷演以多貲不敢出京
遂及於禍

上召張國維于獄同庶吉士史可程舉人朱長治
中左門面劄

昌平兵噪焚劫城中巡撫何謙以聞有旨何謙帶
罪供職

初四日壬辰欽天監奏帝星下移

詔封各總兵吳三桂平西伯左良玉寧南伯唐通

定西伯黃得功靖南伯俱給勅印劉澤清賈陞
一級劉良佐高傑馬利姜瓖孔希貴葛汝芝許
定國王承允劉芳名李棲鳳曹友義杜允登趙
光遠卜從善穆御蕃馬岱黃童高第各陞一級
督撫馬士英王永吉黎玉田李希沆各加陞二
級

詔總兵吳三桂劉澤清唐通帥師入援三桂澤清
不奉詔惟通以二千人至陞見上慰勞再三命
同太監杜之秩守居庸

烈皇小識

卷八

美

大庸伯張國紀進助餉銀萬兩晉封爲侯

上召文武大臣及科道於中極殿問禦賊之策有
言守門乏人請考選科道餘皆練兵加餉套語
駙馬鞏永固面奏賊勢猖獗官兵畏賊如虎所
簡才望大臣重守都城聖駕南巡徵兵親討臣
號召京畿義勇可從十萬眾扈從起行上意不
決諸臣皆言其誕妄旣退議分守九門稽察出
八召見庶吉士於中左門特命陳名夏陞修撰
兼戶兵二科給事中

闖賊陷宣府叛將白廣恩先移書約總兵姜瓖降
太監杜勛出城三十里迎賊入城執巡撫朱一
馮殺之巡按霍達逃

命給事中韓如愈馬嘉植催解浙直京邊正項并
改折贖贖及周延儒朱大典吳昌時等贓銀督
解時賊信已急諸臣咸思南竄故二人營謀此
差如愈曾疏論劉澤清過東昌澤清遣人殺之
晉封嘉定伯周奎爲侯上遣太監徐高宣詔求助

謂休戚相關無如戚臣務宜倡自十萬至五萬
烈皇小識

卷八

七

協力設處以備緩急奎謝曰老臣安得多金高
泣諭再見其堅辭拂衣起曰老皇親如此鄙吝
大事去矣廣蓄多貲何爲奎自具疏勉助一萬
金太監王永祚曹化淳等有助三萬五萬者王
之心富第一上面諭之對以家計消乏僅獻一
萬後之心爲賊拷掠現銀十五萬兩金銀什物
稱是周奎抄出現銀五十三萬兩什器段疋無

筭

上命張國維仍復原官總督浙直兵餉初國維就

連輦揣知庫藏空虚朝廷首急軍餉乃倡開事
例一法殺人行劫者皆得輸金贖罪謂國維一
至江南數百萬可立致上惑其說先諭刑部張
國維附和罪輔蒙蔽君上本當重治念方士亮
等輕擬着免罪俟用至是有總督浙直之命時
賊警已逼遂連夜疾趨中途已聞變矣過蘇州
時江南尚無所聞應撫已移鎮鎮江紳衿共留
國維卽于蘇州抵任以資彈壓國維自揣皇上
已徇難大位未定事不可知決意南歸俟宏光

烈皇小識

卷八

天

卽位諸事就緒始抵蘇州莅任

臨清總兵劉澤清虛報大捷賞銀五十兩又詭言
隨馬被傷再賞藥資四十兩命速赴保定勦賊
澤清不從卽于是日大掠臨清統兵南下所至
焚劫一空

闖賊陷保定賊至城下李建泰迎降中軍郭中傑
絕城降兵潰遂陷同知邵宗元佩府印被執不
屈死之鄉紳御史金毓峒分守西府賊執之謁
僞將毓峒奮拳毆賊投井死妻王氏目縊姪振

孫係武舉人登城射賊應弦立斃賊攢殺之毓
峒媳陳氏年十八尙未嫁與其祖母張氏母楊
氏嫂氏同時投井張氏抱其孫于懷同下侍婢
亦從而下知府方文耀見城破卽自殺

十三日各城門分設紅夷大砲給守城軍每名黃
錢百文連日日色無光是夜風色陰慘沙塵刮
天

上命襄城伯李國禎團練京營兵又命太監曹化
淳督理城守

烈皇小識

卷八

完

十五日癸卯日色益晦正陽門外伏魔廟杆忽自
中劈又南京孝陵夜哭

闖賊叩居庸關總兵唐通太監杜之秩迎降

總督王永吉兵敗陷賊賊縱之歸本兵張縉彥爲
請召對閣臣疑之叩縉彥以永吉來意縉彥初
不言固問之乃云李自成有二策請上擇之一
如漢楚故事劃地爲界一解歸誠以大將軍輔
政閣臣大駭遂票旨王永吉喪師辱國不准召

對

闖賊至昌平軍民爭降總兵李守鏢力格殺數賊賊攢刺之乃拔刀自刎鄉紳張羅彥自殺巡撫何謙南奔

十六日上御殿召考選各官問以治餉安民滋陽知縣黃國琦對曰裕餉不在搜括在節慎安民繫于聖心聖心安則民心安矣上首肯卽面授給事中餘遞奏本牛忽秘封呈進覽之色變卽起入內久之諭各官退始知爲昌平失守也闖賊破昌平將十二陵享殿悉行焚燬隨分兵掠

烈皇小識

卷八

三

通州糧儲

十七日上召文武各官上泣下諸臣亦相向泣束手無計上書御案有文臣個個可殺語密示近侍隨卽抹去是日襄城伯李國楨領京營兵出城立營城下數萬人一時潰散夜漏半曹化淳開廣寧門迎賊入守城勛衛皆逃御史王章賊呼之降不應遂殺于城上給事中光時亨卽長跪迎降

賊軍師朱獻策占十八無雨則京城不可破有雨

則一攻卽下至是日黃沙障天忽而淒風苦雨
良久冰雹雷電交至時賊已屯西城下火炮飛
入城中西城竟日無人敢行近暮定武橋南火
起始知外城已陷奄走告上上曰京營兵何在
李國禎練兵何在奄曰皇命安得有兵京營兵
皆散今惟有勸皇爺走耳先是十五夜上復召
鞏永固問以前策永固對曰賊前尙遠人皆畏
賊六龍南幸從者必多今賊已逼近人心瓦解
從行者臣不敢悞陛下也上領之及是夜叛奄

烈皇小識

卷八

三

杜勛爭城下呼王相堯繼城入講或欲留之勛
曰我家萬歲爺爺威勢盛強不反命者立屠京
師矣遂縱去一鼓上召新樂侯劉文炳及鞏永
固令速帶家丁護駕二臣曰臣等何敢私蓄家
丁所有家人豈能當賊上亟退召太監王承恩
入密語移時急令出部署丁爲巡南計又別傳
硃諭至內閣命成國公朱純臣提內外諸軍夾
輔東宮留守京師已而呼酒與周后袁如同坐
痛飢慷慨訣絕妃先起上拔劍欲之斃后急

返坤寧宮自縊上視之曰好好坤儀公主在旁
哭不已上叱之曰汝奈何生我家亦及之公主
以手仰格臂斷闕絕于地上又令太子定王出
避民間盡去本等冠帶戒諭今後慎毋露帝皇
家形跡時承恩復命上卽微服雜內奄出東華
門至朝陽門托言王太監奉出城守者請以天
明請驗扈從者奪門守者反炮擊之不得出朝
陽係朱純城所守急詣純臣第匿人辭以赴宴
未回上歎息而起復走定安門門閭堅不可舉

烈皇小識

卷八

三

天將曉矣乃返厚載門散遣內丁隨以永王定
王分送外戚周田二家手携王承恩入內苑是
夜閣臣方岳貢直宿精微科四鼓中涓口傳聖
諭內閣諸先生速赴行在亟叩之云聖駕已同
輦駙馬王太監出宮矣太子卽嘉定門周奎高
臥不起門役不納乃走匿內奄某外邸

十九日丁未陰雲四合城外烟焰障天宣武門守
門太監王相堯領內丁千人開門迎賊僞將劉
宗敏整軍入軍容甚肅張縉彥守正陽門朱純

臣守朝陽門一時俱開二臣迎門拜賊賊登城
殺兵部侍郎王家彥于城樓刑部侍郎孟兆祥
死于城門下兆祥子進士孟章明同母何氏妻
王氏自殺于寓

尙衣太監何親見公主仆地未起曰賊已將入恐
公主遭其辱且至定府中避之乃負之出宮人
魏氏大呼曰賊入大內我輩必遭所污有志者
早爲自計遂躍入御河死頃者從死二百餘人
羣賊入城取道演象所羣象皆淚下如雨

烈皇小識

卷八

三

殉難者太學士范景文投井死戶部尙書倪元璐
從容自縊左都御史李邦華自縊于先文信國
祠中左副都御史施邦耀大理寺卿凌義渠太
常寺少卿吳麟徵太僕寺丞申佳允給事中吳
甘來周而淳御史陳良謨妾時氏陳純德趙譔
吏部郎中劉廷諫主事許直順天推官劉有瀾
兵馬姚成錦衣衛指揮李若珪王國典中書宋
天顯俱自縊庶子周鳳翔于二十一日自縊
中允馬世奇與妾朱氏李氏同縊修撰劉理順同

妻萬氏妾李氏子舉人某婢僕十八人俱自縊
檢討汪偉全妻耿氏左右縊于堂中武庫司郎
中成德金鉉同母章氏妾王氏弟生員金鏞俱
投井死光祿署丞于騰蛟服冠服呼妻亦服禮
服同縊生員曹文耀妻張氏生四子一女城破
張氏牽子女哭于家祠同文耀庶母姜氏二媳
李氏鄧氏及乳母孟氏八人同縊居民田某合
家自焚李小槐全妻杜氏二子一女一婢俱自
縊內官白某亦自縊

烈皇小識

卷八

五

新樂侯劉文炳集男婦共十六人登樓自焚其弟
劉文燿同祖母瀛國太夫人投井死時年九十
餘

彰武侯楊崇善自縊惠安伯張慶臻合門自焚宣
城伯衛時春率妻孥同投大井中無一存者都
督周鏡自盡

駙馬鞏永固公主柩尙在堂同子女四人坐堂中
縱火自焚

逆闖入宮問帝所在大索宮中不得僞尙璽卿黎

志陞進曰此必匿民間非重賞嚴誅不可得今日大事不可忽也乃下令獻帝者賞萬金封伯爵匿者夷其族至二十二日庚戌得先帝遺魄于後死山亭中與王承恩對面縊焉先帝以髮覆面白袷藍袍白紬褲一足跣一足有綾襪紅方鳥袖中書一行云因失江山無面目見祖宗于天上不敢終于正寢又一行云百官俱赴東宮行在二十三日辛亥殮先帝先后于東華門梓宮二先帝用丹漆先後用黝漆加先帝翼善

烈皇小識

卷八

五

冠滾王滲金靴先后袍帶亦如之同移庵內事劉養貞以頭觸地太僕諸臣哭拜者三十人拜而不哭者六十人餘皆睥睨過之叛闖某獻太子逆闖留居西宮封爲宋王太子不之屈宮人費氏年十六投筮井賊鈞出之賞賊將羅某費氏給曰我帝家人也義難苟合惟將軍擇吉成禮死生惟命賊喜卜日置酒極歡費氏懷利及侯賊醉斷其喉立死費氏卽自刎

從賊者大學士李建泰兵部尙書張縉彥戶部侍

郎党崇雅禮部侍郎楊汝成工部侍郎葉初春
少詹事楊觀光項煜諭德何瑞徵楊士聰修撰
楊廷鑑陳名夏編修梁兆陽高爾儼李士淳薛
所蘊趙王森庶吉士呂崇烈成克鞏張之奇楊
明朗張端黃燦張元琳劉餘謨魯梁魏天賞劉
廷琮何九雲劉肇國張元錫李化麟姚文然高
珩胡統虞傳學禹羅獻文白允謙何允光龔鼎
孳趙頻李呈祥傳鼎銓劉世芳周鍾魏學濂朱
積吳爾壘楊棲鶚王自超史可程梁清標右通

烈皇小識

卷八

五

政趙京仕通政叅議宋學顯尙寶卿吳家周太
僕寺丞李元鼎給事中劉昌戴明說孫承傳振
鐸申芝芳時敏米嶽翁元益郭充高翔漢金汝
礪介松年龔鼎孳楊枝起御史柳寅東朱朗榮
衛貞固傅景星蔡鵬霄裴希度涂必泓韓文銓
陳羽白熊世懿吏部沈自彰左懋泰熊文舉王
顯侯佐楊元錫吳孳昌郭萬象戶部王鳳林金
震出衛周祚程之璿劉顯積禮部黃熙允湯有
慶吳之琦張琦劉大鞏朱芾煌工部潘同春繆

元鄒魁明方允昌黃徽允李登雲呂兆龍秦泐
馮秉清司務孫節大理寺正錢位坤行人胡顯
李丕著張元輔吳允謙李之奇許作梅王于曜
沈元龍國子博士李森先學正王皋光祿監事
林銘球順天炤磨龔葵侯以頭考推官施鳳儀
知縣彭三益黃國琦孫以敬王孫蕙進士武愮
徐家麟吳剛思

逆闖入都首先勸進者陳演朱純臣也向賊叩頭
求用指斤先帝爲無道者魏藻德也從獄中出

烈皇小識

卷八

三

而爲賊策下江南者張若麒也其頌賊爲救民
水火神武不殺者梁兆陽也代賊焚燬太廟神
主者楊觀光也大負先帝委任終以拷掠死者
李國禎也先帝求金不應東宮出亡不納終賈
盜糧盡爲賊有負君辱國貽恨千古者周奎也
至叛奄曹化淳王相弄輦不足誅矣

平西伯吳三桂如清乞師二十七日三桂以清兵
至山海關先是三桂聞京師失守先帝殉難統
衆入關投降降而三桂父吳襄故遼東總兵也逆

闖李自成執襄誅求金寶索詐甚酷三桂知之
卽時返師出關適清攝政王統兵將入大同
中途相遇三桂卽剃髮詣營叩首懇冤願假大
兵復仇歃血立誓攝政王爲撤兵西行逆成聞
三桂之來而復去也急統馬步兵四十萬追之
劉琮敏李過等皆從并挾太子二王東行追及
三桂于關外三桂見賊甚盛不敢迎戰入啟攝
政王攝政王令三桂先與交鋒而自登高望之
待三桂將敗卽揮英王豫王分左右翼以進時

烈皇小識

卷八

三

逆成亦挾太子登高岡督戰賊衆三面圍三桂
勢危甚忽有白標兵二隊繞出其後如發風湧
潮所到之處無不披靡逆成頓足歎曰此必北
兵也三桂真挾北兵來耶急策馬走賊衆大潰
次日令降兵部郎張若麒奉太子如三桂營請
罷兵三桂留太子而益治兵破逆成于關內逆
成驅賊連營進發三桂悉銳出戰清兵助之賊
衆大奔自蹂踐死者十餘萬人殺其渠帥五人
逆成走永平三桂又追敗之逆成奔還京師時

四月二十四日也三桂同清兵壓城而軍逆成
遂殺吳襄並殺其家口三十八人二十九日逆
成出阜城門西走縱火燒諸官殿又燒九門雉
樓火光燭天三桂遙望城中火起知賊已走追
至保定奮擊敗之再敗之于定州北逆成憤極
復勒勁卒返擊三桂三桂以清鐵騎衝堅突入
斬其渠帥數人首萬餘級逆成中流矢墮馬掖
而騎疾馳還營卽拔營歸陝西三桂復以清兵
掠陝西逆成盡出銳卒迎戰大敗劉琮敏田見
烈皇小識

卷八

五

秀等皆死逆城乃棄西安由商雒入鄖襄渡江
趨武昌逆成屢敗之後每行軍大隊在前已率
數十騎在後一夕大風飛沙對面不相覩逆成
同二十八騎趨通山登九宮山鄉兵遇之亂又
交加遂剝逆成于馬下

逆成旣斃賊衆無主乃謀向何總督投降時
何騰蛟總督五省軍務駐長沙賊黨大隊投
誠皆虞其詐不敢應相持兩日長沙知府某
挺身而往甫至爲賊所殺賊問曰我等降何

總督耳知府卑官來何爲不得已乃自往賊
衆望見知爲總督也列隊羅拜歡聲動地何
諭之曰若等來降自當題請受爵爲國豕建
立大功但若無糧餉奈何賊衆餉我等所儲
甚裕毋貽軍門憂何又虞賊衆甚夥狠心未
測于是下令願歸農者聽又分蒞其衆
賊黨散者大半說者謂何爾時撫有其衆激
以忠義鼓行而前當必能下江南畫淮而守
而遂巡顧忌坐失機會良可惜也

列皇小識

卷八

卑

...

皇后謚曰孝烈皇后

時擬謚號者大學士高宏圖也後卽有借此以
攻宏圖者復改爲毅宗按謚法思與毅于先帝
俱無取也孟子曰世守也非身之所能爲也救
死勿去傳所謂國滅君死正也今先帝俟兩宮
畢命後始自爲計義也初擬從權徐圖後舉旣
慨然知命天之不可爭不難身殉以謝天下智
也業已身殉矣猶曰因失江山不敢終于正寢
禮也從容殉難合乎大道仁也夫當變起蕭牆
禍介俄頃而仁義禮智俱全而無失焉可不謂
正乎謚按謚法殺身成仁曰烈臨難不屈曰正
愚意修史者當具疏特請更上先帝謚號曰烈
宗正皇帝先后謚號曰孝烈正皇后

烈皇小識

卷八

望

附逆闖伏誅疏

總督潮廣川貴廣東廣西五省軍務兵部尚書何騰蛟奏闖死確有實據闖級未敢扶同謹據實回奏事痛自闖逆肆亂逼我先帝陷我神京罪通于天一旦被戮九宮山差紆神人之憤奉旨何騰蛟着吏部先行議妥速叙仍着將殲賊情形闖賊首級真否該撫察奏解若果的真照格叙賞以昭大信欽此竊惟人臣之訓義在勿欺如闖死非真而臣謬以爲死且居之以爲功是欺也欺則臣罪也當死闖死果真而闖之首級已化爲異物如首級物化而假托以明闖死之爲真亦欺也欺則臣罪當死然闖勢實強闖夥貫衆何以死于九宮山團練之手誠有其故闖逆旣死則宜留首級示信何以首級竟不可得亦有其故請爲皇上陳之臣自遭左變投身江濤遇救得生臣揣闖逆知左兵南逞勢必窺楚卽飛檄道臣傳上瑞章曠推官趙廷璧姚繼舜咸寧知縣陳鶴齡等聯絡鄉勇以待闖果爲清所逼自秦豫奔楚霑雨連旬闖逆困于馬

烈皇小識

卷八

聖

上者踰月此固天亾之也闖逆居鄂兩日忽狂風驟起對面不見闖心驚疑懼清之躡其後也卽拔賊營而上然其意尙欲追臣盤踞湖南耳天意亾闖以二十八騎登九宮山爲窺伺計不意伏兵四起截殺于亂刃之下相隨僞參將張雙喜係闖逆義勇僅得馳馬先逸而闖逆之劉伴當飛騎追呼曰李萬歲命被鄉兵殺死下馬二十八騎無一存者一時賊黨聞之滿營聚哭及臣撫劉體仁郝搖旗于湘陰撫袁宗第蘭養臣于長沙撫王進才牛

烈皇小識

卷八

五

有勇于薪墻無不衆口同辭營內有臣晉豫舊治之子矜氓隸亦無不衆口同辭也張參將久住湘陰郝搖旗現在臣標時時道臣逆闖之死狀嗣後大行勦撫道阻音絕無復得其首級報驗今日逆首已泥諛死已于鄉兵而鄉兵初不知也使鄉兵知其爲闖氣反不壯未必遂能剪滅而致弩及之交加爲千古大快也今而後逼君破都之氣燄遂成烏喙獸齧之肉餅亦可以謝先帝矣自逆闖死而闖二十餘萬之衆初爲逆闖悲號旣而自悔自

艾亦自失遂就戎索于臣逆闖若不死此二十餘
萬之衆僞侯僞伯不相上下臣亦安能以空拳徒
手操縱自如乎伏乞皇上祭告九廟祭告先帝使
天下後世知數十年之劇寇首逆乃一旦天亾于
九官山以慰二祖列宗之靈以快普天率土之願
臣志足矣至如明旨所云察實炤詔格議賞是往
滋舉朝之議而重微臣之罪臣惟有灑血于先帝
而已回奏委無一毫欺飾可勝惶悚待命之至隆

武元年月日奏

烈皇小識

卷八

四

烈皇小識卷之八終

